



Atuarfiit assilisanik aamma videonik atuisarnerannut misissugassat allattorsimaffiat

Misissugassat allattorsimaffiata qanoq ikiussavaatit?

Misissugassat allattorsimaffiat ilissinnut atuartunik sullitaqartunut tunngasuuvoq, aamma assinik aamma videonik suliaqarnissinnut atatillugu atuerusuttunut.

Misissugassat allattorsimaffiata atorneratigut qulakkeersinnaavarsi paasissutissanik nakkutilliinermi atuartut aamma sulisut assinik atuinnermut atatillugu malittarisassanik eqquutsitsinissaq. Misissugassat allattorsimaffiani assit eqqaaneqarput, kisianni malittarisassat videonik atuinnermi assigiipput.

Misissugassat allattorsimaffiat aamma paasissutissat nakkutiginnissaannut malittarisassat kisimik allasimassanngillat. Paasissutissanik Nakkutilliisoqarfiup ilinniarititsisut aamma aqutsisut kajumissaarpai atuarfiup, atuartut aamma angajoqqaat akornanni pitsaasumik atuarfiup – angerlarsimaffiup – suleqatigiinnerannut atatillugu assinik atuineq pillugu ingerlaavartumik oqaloqatigiittoqartarnissaa.

Misissugassat allattorsimaffiat suliarineqarpoq pilertortumik ilitersuutissanngorlugu pitsaasunik siunnersuuteqarlunilu erseqqissunik assersuutitaqartoq. Misissugassat allattorsimaffianni paasissutissanik nakkutilliinermi malittarisassat nassuiaatitaat aammattaaq ilanngunneqarpoq.

SIUNNERSUUT NR. 1: Assilisanik atuinersi isummerfigisiuk

Siullermik isummerfigissavarsi sooq assilisanik atuerusunerlusi, aamma assiliasat sumut atorniarnelugit. Assiliasat sumut atorniarnelugit siunertarisarsi paasigussiuk, tamatuma kingornatigut siunertarisarpiamut tassunga isummerfigisassinnut assilisanik atuinersi killilersussavarsi.

Soorlu assersuutitut taaneqarsinnaavoq angajoqqaat atuartut ulluinnarni atugarisaannik ingerlaavartumik paasinninnissaat pissutigalugu, atuarfimmi sulisut kissaatigaat videot aamma assiliasat atornissaat atuartitsinermut atatillugu atuartut assingisa atornissaat, imaluunniit atuarfiup nittartagaani atuarfik saqqumilaartinniarlugu.

Assersuutit:

- ✓ **KLASSIT ASSINGINIK ATUARFIMMI NIVINNGAANEQ**
Qanga klassimi assilisanik, assersuutigalugu siornatigut atuartuusimasunik aamma ilinniarititsisunik aamma atuarfimmi pisimasunit annertuunit, inimi atuarfisassinni peqarsinnaavusi – aammattaaq atuartunit, angajoqqaanit aamma sulisunit akuersisoqqaartinnagu.
- ✓ **ILINNIARTITSISUMIK AAMMA ATUARTUNIK TOQQAANNARTUMIK ISIGINNAARNEQ**
Inatsisinik unioqqutitsinngitsumik aamma atuartunit, angajoqqaanit aamma sulisunit akuersiteqqaannagit assiliivik onlinekkut atuartitsinermut atorsinnaavarsi.



- ✓ **ATUARTITSINERMI ASSILISANIK ATUINEQ**
Inatsisunik unioqqutitsinngitsumik aamma atuartunit, angajoqqaanit aamma sulisunit akuersiteqqaannagit videoliorsinnaavusi imaluunniit immissinnut assiliisinnaavusi atuartitsinermut atugas-sanik, assersuutigalugu saqqummiussinermut imaluunniit nioqqutissamut atugassamut atatillu-gu. Atuartut namminneq telefonitik atorlugit assiliisimappata atuartut oqaluttuunneqassapput assilisat toqqortaatinissaat pisariaaruppat telefoniminnit piissagaat.
- ✓ **ANGAJOQQAAT INTRANETIANNI ASSILISANIK ATUINEQ**
Inatsisunik unioqqutitsinngitsumik aamma atuartunit, angajoqqaanit aamma sulisunit akuersiteqqaannagit atuartut kisimiitillugit imaluunniit sulisunik ilaqartut assilisinnaavasi matoqqasumilu angajoqqaat intranetianni ilanngussinnaallugit angajoqqaat atuartut inuunerannik ingerlaavar-tumik malinnaaniassammata. Assilisat taamaallaat ilanngunneqarsinnaapput tamanna tulluar-tuutinneqarpat, assersuutigalugu taamaallaat klassimi atuartut angajoqqaavinut atuarfimmulli tamarmiunngitsumut.
- ✓ **INTERNETIMUT, TASSUNGA ILANNGULLUGU INUIT ATTAVEQATIGIIFFIGISARTAGAATI-GUT, ASSILISANIK SAQQUMMIUSSINEQ**
Immikkut maluginiartassavarsi atuartut aamma/imaluunniit sulisut assingi internetimut kikkunnit tamanit takuneqarsinnaasunngorlugit saqqummertassagussigit, tassunga ilanngullugit inuit atta-veqatigiiffigisartagaasigut (matoqqasumit intranetimit salliutillugu).

Nalinginnaasumik angajoqqaanit aamma/imaluunniit meeqqanit namminermit ingasannerusu-tut isigineqassaaq asseq kikkunnit tamanit takuneqarsinnaasunngorlugit saqqummersinneqar-pat, assersuutigalugu atuarfiup nittartagaani imaluunniit inuit attaveqatigiiffigisartagaanni. Taamaattumik atuarfiup eqqarsaatigilluartariaqarpaa kikkunnit tamanit takuneqarsinnaasun-ngortinnissaa aamma suna tunngavigalugu taamaaliortoqassanersoq. Aallaavittut taamatut piso-qartillugu akuersisitsinissaq pisariaqarpoq assilisat ajoqutaassanngippata.
- ✓ **VIDEO ILINNIAQQINNERMI ATUARTITSINERMIT AAMMA ASSIGISAA**
Inatsisunik unioqqutitsinasi aamma atuartunik, angajoqqaanik aamma sulisunik akuersisitseqqaarasi atuartitsinermut videoliorsinnaavusi assersuutigalugu ilinniartitsisup iliniaqqinnissaanut assingusumullu atugassamik.

SIUNNERSUUT 2 : Isumannaatsuutitsinissaq aquguk

1. Atortoq assiliinermut atugarsi aamma assilisanik toqqortaateqarfigisarsi (tassa tablet, telefon assigisaalu) kode-leruk.
2. Atortup paasiuminaallisarnissaa isumagiuk.
3. Atortup eqqaani pappiaqqami kodea allassimasuutigissanngilat.
4. Atortuni sorlorni assilisat toqqortuutiginerlugit takussutissamik allagit, aamma ilanngullugu kikkut atortunik atuisinnaanersut.
5. Eqqaamallugu takussutissaq malillugu paaasarnissaaq (sap. ak. 2-4)
6. Isumaqtigiissutigisiuk sulisut namminneq telefonitik atorlugit assiliisannginnissaat, taamaallaalli suliffe-qarfiup telefonia imaluunniit tabletia atorlugit telefonini nammineq pigisani meeqqat aamma/imaluunniit sulisut pillugit assilisanik peqarnissaa pinngitsoortinniarlugu.
7. Aallaavik sorleq atuartitsinernut aatorneraa atuarfiup atorneraa apeqqutaatillugu eqqarsaatigisariaqarpar-si atuartut pillugit paasissutissat, assersuutigalugit aqqi aamma atuarfiup aqqa toqqaannartumik atuisutut toqqaannartumik atertut atornerqarnissaa pisariaqarner-soq.





SIUNNERSUUT NR. 3 : Assit paasisaqarfigisassat sap. akunneri 2-4 qaangiukkaangata paaartakkit

Assit meeqqat ulluinaannik ingerlaavartumik taamaallaat angajoqqaanit paasisaqarfigisinnaa saannut atorineqassappata –assersuutigalugu intranetersi aqutigalugu imaluunniit atuarfimmi inissinni skærmit elektroniskiusut atorlugit – sap. ak. 2-4 qaangiunneranni assilisat peertariaqarpasi. Assilisat automatiskiusumik peertarnissaat periarfissaqarpas, tamanna isumassarsiatsialaasinnaavoq. Intranetimi assilisat angajoqqaat piffissami tassani downloadersinnaavaat piffissami sivisunerusumi toqqortaatiginissaat kissaatigunikku. Tatum kingornatigut angajoqqaat assinik atueqqinnissaannut ilissi akisussaatinneqassanngilasi.

SIUNNERSUUT 4 : Assilisat eqqortumik peertakkit

Assilisat aammattaaq ingerlaavartumik tabletimit, telefonimit assigisaannillu assiliinermut atukkamit ingerlaavartumik peertarnissaat isumagisaruk, soorlu ass. assilisat intranetimit ilanngunneqartarpata, imaluunniit tabletit atuartut akornanni taarsaallugit atorineqartarpata.

SIUNNERSUUT NR. 5 : App-inik atuineq, IT-mik atortunik nutaanik psineq il.il.

App-it, it-mik atortut assigiinngitsut aamma programit nutaaliat pissanganartunik periarfissiisinnapput atuartsineq pilersarusiorneqaraangat. Assersuutigalugu ilissi atuartut qinnuigigussigit atuartsinermi app-ini videolioqqugussigit, taava maluginiartariaqarpasi soorlu ass. video aamma assilisat namminneq siunertarisannut app-it atortarneraat. Tassa siunertarisat ilissi toqqarsinnaasasi aamma toqqarsinnaanngisasi imaluunniit aalajangiiffigisinnaanngisasi. Atuarfittut app-imik aalajangersimasumik imaluunniit it-mik atortut nutaat pisiat malittarisassanik imaluunniit atuarfiup politikiinik eqquutsinnersut, taava qaffasinnerusunut saaffiginnissaasi, aqutsisusi imaluunniit najukkami it pillugu attaveqaatigisartagaq.

Suut akisussaaffiginngilisigit ?

✓ KLASSIMIT AAMMA ATUARTUNIK ATAASIAKKAANIK INUUNIUTIGALUGU ASSILIISUMIT ASSILISAT

Akuerisinnavaarsi inuuniutigalugu assiliisup klassip aamma atuartut ataasiakkaat assilineqarnissaat aammattaaq sulisut assiliseqarsinnaapput inuuniutigalugu assiliisup assilisani angajoqqaanut aamma sulisunut (atuarfik ilanngullugu) tunineqarnissaat siunertarippagu. Assiliisup assilisat tassunga siunertamut atorineqarnissat akisussaaffigissavaa. Tamatum kingornatigut ilissi – aamma angajoqqaat aamma sulisut akuersiseqqaarnagit – inuuniutigalugu assiliisup klassimit assilisat torsuusarsuarni imaluunniit klassimi nivinngarsinnaavasi imaluunniit meeraq pillugu assilisat intranetimi matoqqasumi profil-assitut atorsinnaallugu.





- ✓ **ANGAJOQQAAT AAMMA ATUARTUT ASSILISANIK ATUINERAT**
Ilissi akisussaaffiginngilarsi angajoqqaat aamma atuartut assilisanik tamatuma kingornatigut atuinerat, soorlu assersuutigalugu intranetimi ilanngussimasasi tamatumalu kingornatigut angajoqqaat aamma atuartut download-igaat. Aammattaaq akisussaaffiginngilarsi soorlu assersuutigalugu angajoqqaat atuarfimmi aaqqissuussinermit assiliippat assilisanilu tamatuma kingornatigut internetimi ingerlatseqqippagu. Atuartut namminneq telefoniminnik assiliippata, atuartitsinermut ilaangitsumi, soorlu assersuutigalugu anitsiarnermi, atuarfik aammattaaq atuartup assilisamik atuineranut akisussaasuunngilaq.
- ✓ **TUSAGASSIIVIIT ATUARFIMMI ASSILIINERAT**
Akisussaaffiginngilarsi tusagassiiviit arlaat, soorlu assersuutigalugu najukkami aviisi imaluunniit tv-eqarfik ullut ilaanni takkulluni namminersuutigalugu tusagassiippat, tassani atuartunik assilisat imaluunniit videoliaq avisisimi ilanngunneqarlutik, tv-mi takutinneqarluni imaluunniit tusagassiiviup nittartagaani ilanngunneqarlutik. Tusagassiiviup nammineq akisussaaffigaa malittarisassat tamatumunnga tulluartut malinnissaat.

Tamatuma saniatigut suut maluginiartariaqarpat?

- ✓ **INTERNETIMI TAMANUT SAQQUMMIUSSINEQ**
Pingaarnertut immikkoortissinnaassavarsi intranetimi matoqqasumi (angajoqqaanit aalajangersimasumik amerlassusilinnit) ingerlatitseqqineq aamma assinik internetimi saqqummiussineq, tasunga ilanngullugit inuit attaveqaqatigiiffisartagaat.
- ✓ **INGERLAAVARTUMIK AAMMA AMMASUMIK OQALOQATIGIINNEQ**
Ingerlaavartumik aamma ammasumik atuarfiup assilisanik aamma videomik atuinera aamma tamanut saqqummiussinera pillugu angajoqqaanik oqaloqatiginnittassaasi, soorlu assersuutigalugu atuarfiup - angerlarsimaffiup suleqatigiinneranut atatillugu.
- ✓ **ATUARTUNIK IMALUUNNIIT SULISUNIK NITTARSAASSISUT ASSIT PINNGITSOORTIKKIT**
Atuartunik aamma sulisunik pisuni aalajangersimasuni nittarsaassisunik assiliisassanngilatit.
- ✓ **ASSILISAMUT ATAATSIMUT ARLAAT AKERLIUPPAT**
Angajoqqaat arlaat, atuartut imaluunniit sulisut assimut ataatsimut akerliuppata, aallaavittut asseq soorlu assersuutigalugu intranetimit, nittartagassinnit imaluunniit inuit attaveqaqatigiiffisartagaannit piissavarsi atuinerup ingerlatiinnarnissaanut immikkorluinnaq patsiseqartoqanngippat.



Ilanngussaq – malittarisassani ima allassimasoqarpoq

PISUNI AKUERSINEQ PERIARFISSALIISUTUT EQQORTUTUT ATORNEQARSINNAANNGIPPAT

Atuartitsinermut atatillugu assilisanik atuneq (soorlu ass. atuartut namminneq assitik atorlugit collage-liorpa-ta inip matuanut nivinngasassamik) aamma pædagogiskiusumik sulinermut atatillugu (soorlu assersuutigalugu atuartut ajornanngitsumik karsiutini nassaarisinnaanissaanut), tamakku aallaavittut akuersinermik pisariaqartit-sissanngillat.

PISUNI AKUERSINEQ EQQORTUTUT ATORSINNAAPPAT

Soorlu tamanna assersuutini takuneqarsinnaasoq ilissi atuarfittut iluaqutaasumik immikkoortitsisinnaassaasi soorlu ass. assilisanik atuartitsinermut atatillugu atuneq aalajangersimasumik killilinnit inunnit takuneqarsin-naasunik assilisanik matoqqasumi intranetimi ingerlatitseqqiineq aamma atuarfiup nittartagaani tamnut saq-qummiussineq imaluunniit illuatungaani inuit attaveqaqatigiiffisartagaanni. Nittartakkami imaluunniit inuit attaveqaqatigiiffisartagaanni saqqummiussineq aallaavittut akuersinermik pisariaqartitsissaq, asseq ajoqu-taavinngippat tamanna nalinginnaasumik assimi pineqartumut annertuumik sunniuteqassammat.

Angajoqqaat akuliutsinnerat, tassunga ilanngullugu meeqqat ulluinnarni atugarisaat pillugit angajoqqaat ilisi-matinneqarnerat, tamanna isigineqartarpoq aallaavittut atuarfiup ingerlanneqarneranut pingaaruteqartutut aamma pisariaqartutut. Taamaammat tamanna aammattaaq isigineqassaaq kommunip oqartussaasutut pisa-riaqartumik iliuuseqarnerata ilaatut atuarfiit meeqqanik aamma sulisut ilanngunneqarsinnaapput assiliillutik kingornatigut atuarfiup iluani angajoqqaanut ingerlateqqillugit meeqqat ulluinnarni atugarisaat ilisimatitsissuti-giniarlugit. Atuarfiup ingerlaavartumik eqqarsaatigisariaqarjaa ulluinnat pillugu assilisat aamma video atorlu-git angajoqqaanut uppersaasarnepur pisariaqartinneqarnera aammata assigiinngitsunik ukioqatigiijaanut taamatutaaq pisariaqarneraq, tassa atuartut amerlanerpaat (meeqqanut ulluinnarni paaqqinnittarfimmiittar-tutut ukiulinnut illuatungiliuttumik imaluunniit O. klassimi atuartunut) ima ukioqalersimammata namminneq ullormi ingerlatarisimasaminnik il.il. oqaluttuarsinnaassallutik.

Tamanna taamatutaaq atuarfiit suliassaasa ilaatut isigineqartariaqarpoq, tassa ilinniartitsisut atuartitsinermin-nut atatillugu pædagogiskiusumik suliaqarnerminni soorlu assersuutigalugu, toqqarunikku atuartut piumaffigi-niarlugit imminnut videoliarlutik imaluunniit assilisarlutik atuartitsinermut atatillugu atugassanik. Imaluunniit ilinniartitsisup toqqaruniuk assilissanik klassip matuanut imaluunniit torsuusanut atuartut aamma suliniutaannik assilisanik nivinnganiarluni.

Atuarfiit ataasiakkaat aalajangissavaat atuartitsineq qanoq aaqqissorniarnelugu, tassunga ilanngullugu atuar-titsineq klassimi ingerlanneqassanersoq imaluunniit onlinekkut. Onlinekkut atuartitsinermi videomik atuneq atuarfiit oqartussaasutut iliuuseqarnerannut taamaattumik pisariaqarsinnaassaaq.

Taamaattumik pisariaqassanngilaq siunertanut tamakkununga angajoqqaat imaluunniit sulisut akuersinissaat. Taamaattorli meeqqanik aamma/imaluunniit sulisunik pisuni aalajangersimasuni nittarsaassisunik assiliisas-sanngilasi, soorlu aamma ilissi – imaappat angajoqqaat aamma/imaluunniit sulisoq meeqqaminik imaluunniit namminerminik assiliisoqarnissaa kissaatiginngippassuk – tamanna pillugu pineqartoq oqaloqatigineqartaria-qarpoq. Inuit assini pineqartut, taamaalillutillu nalunaarsorneqartuusut, periarfissaqassapput paasissutissanik nakkutilliinermi malittarisassat malillugit pisinnaatitaaffitik atussavaat, soorlu assersuutigalugu pineqarnermin-nut akerliliillutik imaluunniit takunninnissaminnik imaluunniit peerneqarnissaannik qinnuteqarlutik.

Meeqqat assilineqarnissaat atuarfimmit pisariaqartinneqarpat pædagogiskiusumik sulineq ineriartortinniarlu-gu aamma uppersarniarlugu, imaluunniit ilinniartitsisup ilinniaqqinnissaanut atatillugu, taava tamatuminnga suliaqarneq akuersinermik piumasaqaatitaqassanngilaq, tamatuminnga suliaqarneq aammattaaq atuarfiup oqartussaasutut iliuusaatut pisariaqartinneqarsinnaammat.





Itigartinneqarsinnaangilaq pisoqarsinnaammat akuersititseqqaarani assilisat aamma video atorlugit tamanut ilisimatitsinissaq atuarfiup suliassaanut ilaammat. Taamatut pisoqartillugu aalajangersimasumik annertussuseqartumik assilisat atorsinnaassavasi. Pisuni taamaattuni pingaartuuvoq maluginiassallugu internetikkut tamanut saqqummiussineq, soorlu assersuutigalugu atuarfiup nittartagaatigut, nalinginnaasumik annertunerusumik sunniuteqarsinnaammat assilisanik atuarfiup iluani ingerlatitseqqinnerminngaanniit, soorlu matoqqasumi angajoqqaanut intranetimi, taamaallaat angajoqqaanit aamma sulisunit iserfigineqarsinnaasumi, aamma eqqarsaatissat allaappata meeqqat aqqi aamma najugaat illersugaasutut pineqartillugit.

Taamaattumik assilisat, inuit aalajangersimasut saqqumilaartumik inissisimasunik assilisat – soorlu assersuutigalugu kiinaannik assilisat imaluunniit meeqqat ikittut pillugit assilisat, pineqannginnissaat eqqarsaatigineqartariaqarpoq. Illuatungaatigulli atuarfik pisuni taamaattuni atuarfiup tamakkiisup assinganik, atuartut ukioqatigiiaat, klassi imaluunniit pisumut atatillugu assingusut atornerqarnissaannut nalinginnaasumik akornussaqaangilaq. Arlaat nittarsarneqartutut misigisimasinnaanissaa qularutigigussiuk, soorlu assersuutigalugu immikkut pissusilersorlutik saqqummiussisut, pissutissamisoortuussaaq pineqartoq imaluunniit pineqartup angajoqqaavi aperinissaat, tamanna isumaqartariaqaangilaq akuersinivimmik pissarsinissamik.

ATAATSIMUT ISIGALUGU

INUUSSUTIGALUGU ASSILIISUP ASSILISANIK ATUINERA

Inuussutissarsiutigalugu assiliisup takkutinnginnerani angajoqqaat paasitinneqassapput assiliisup assiliartornissaanik, angajoqqaallu taamaalillutik periarfissaqarsimallutik meeqqamik assilinqarnissaanut itigartitsinissaminut, taava assiliisoq angajoqqaat akuersinissaannik pissarseqqaassanngilaq, nalinginnaasumik assiliisumut pisariaqassammat pisinerminut atatillugu isumaqatigiissuteqarneq eqquutsinniarlugu imaluunniit naleqquttumik soqutiginninneq anguniarlugu assilisanik suliaqassammat – tamanna meeqqat aamma angajoqqaat soqutigisaannit salliutinneqartoq. Tamanna isumaqarpoq assiliisup assit suliarissavai angajoqqaat akuersinerannit allamik tunngaveqartumik.

ANGAJOQQAAT AAMMA ATUARTUT ASSILISANIK NAMMINNEQ ATUINERAT

Ilissi akisussaasuunngilasi angajoqqaat aamma atuartut assilisanik atueqqinnerannut. Angajoqqaat imaluunniit atuartoq tamakkunani pisuni paasissutissanik akisussaasuutinneqarput, taakku assilisap imaluunniit videop atornerqarneranut siunerarineqartoq namminneq aalajangermassuk. Atuinerli nalinginnaasumik malittarisassani ilaatinneqaangilaq atuneq amerlanertigut inummit namminerminut atornerqartutut amerlanertigut pisarmat (inuk pillugu paasissutissanut inatsit § 2, imm. 3). Atuneq taamatut ittoq, tassa inuup nammineq inuk pillugu paasissutissanik atuinera, pisuni amerlasuuni inatsimmi ilanngunneqarneq ajorpoq, atuneq inuussutissarsiornermut atatillugu imaluunniit aningaasannanniutigalugu ingerlatatut isikkoqaangippat. Inuk pillugu paasissutissanummi inatsit atuutinngilaq, inummit namminermit nammineq ingerlataminorluinnaq siunertaqartumik suliarineqassammata.

Taamaattut ingerlatat allaffeqatigiinnermik ilaqarsinnaapput aalajangersimasumillu annertussusilimmik aammattaq inuit attaveqatigiiffigisartagaanni netværkimi aamma nalinginnaasumik nettemi. Qanorluunniit pisoqartillugu ilissi atuarfittut eqqarsaatigisassavarsi isumassarsiatsialaanersoq klassimi ataatsimoorlusi oqaloqatigiissutigissagissi qanoq iliortoqarsinnaanersoq nammineq pilluni allat assilisanik imaluunniit videonik ingerlatitseqqiinerat pillugu, taamaaliortoqarneralu nammineq nuannarinagu. Paasissutissanik Nakkutilliisut nittartakkami allagaqarput inuit attaveqatigiiffigisartagaanni assinik ingerlatitseqqiisarneq pillugu, ilissi oqaloqatigiinnermut tamanna isumassarsiorfigisinnaavarsi. Paasissutissanik Nakkutilliisuttaaq pinngualiorput atuartunut 4.-6. klassini atuartunut tulluarsakkanik. Pinnguaat ateqarpoq Datadysten (Paasissutissaat pillugit unammineq) uanilu pissarsiarineqarsinnaalluni: datadysten.dk





PISARIAQANNGITSUMIK ASSILISAT SIVISUUMIK TOQQORSIMASSANNGILLAT

Paasissutissanik nakkutilliinermi malittarisassat eqquutsinniarlugit qulakkeertassavarsi assilisat toqqortaatiginissaannut siunertarineqartumi piffissaq pisariaqartinneqartoq qaangerlugu pisariaqanngitsumik piffissami sivilunerusumi toqqorsimasuutigisarnissaat (inuk pillugu paasissutissanut inatsit § 5, imm. 5).

Taamaattumik isummerfigissavarsi assilisat sumut atorineqarnissaat peertarlugillu sivilunerusumik toqqortaatiginissaat pisariaarukkussiuk. Assimik toqqortaateqarnissamut arlalinnik siunertaqarsinnaavusi. Tassunga atatilugu assilisaq aatsaat peerneqassaaq siunertarisat arlaannik eqquutsitsinissaq pisariaarukkaangat. Assilisat, ingerlaavartumik meeqqat ulluinnarni inuunerannik takutitsisut, angajoqqaanut ingerlateqqinneqartut, sap. akunneri 2-4 qaangiunneranni siunertarisamik eqquutsitsisutut isigineqassapput. Taamaattumik Paasissutissanik Nakkutilliisoqarfiup isiginninnera naapertorlugu sap. akunneri 2-4 qaangiukkaangata assilisat taakku peerneqareersimassapput.

Isuma qarussi assilisat sivilunerusumik toqqortaatiginissaannut pisariaqartitsillusi, taava eqqarsaatigisariaqarparsi tamatumunga pitsaasumik tunngavissaqarnerlusi, soorlu ass. atuarfiup sulineranik allanut oqartussaasunut imaluunniit nakkutilliinermut uppersaanissamik siunertaqarneq. Eqqaamallugu tamatuminnga eqqarsaatteqarnissinnut uppersaanissarsi. Taamaattumik eqqarsaatigisinnaavasi assigiinngitsunik periuseqarnissaq, apequtaalluni assilisat nalinginnaalluinnartut pineqarnerisut, assilisat immikkorluinnaq pisunit assilisaanersut, ilissilu piffissami sivilunerusumi toqqortaatigiserusutasi, imaluunniit uppersaanissamut atorineqarnissaat tunngaveqarnerisut.

Ingerlaavartumik assilisanik paaasarussi asserpassuarnik isiginnaarnissarsi aarlerigissanngilarsi, soorlu asser-suutigalugut angajoqqaat arlaat takunnikkusulluni qinnuteqarpat.

ANGAJOQQAAT AAMMA ATUARTUT ILISIMATISSIGIT ASSILISANIK SOOQ ATUINERSUSI, SUMUT INGERLATEQQINNEQARNERSUT AAMMA QAQUGU PEERNEQASSANERSUT

Angajoqqaat aamma atuarut oqaluttuussigit kikkunnut saaffiginissinnaanersut ilissi assilisanik atuinersi nammasimaarutiginnikkuniku. Tulluartuusinnaavoq paasissutissaq tamanna paasissutissiinermut allakkiatut allakkussiuk, ilissi imaluunniit kommunip siumut angajoqqaanut aamma atuartunut ilissi inuk pillugu paasissutissat pillugit qanoq pinerisi pillugit. Ilisimatitsinissamut pisussaaffik Paasissutissanik Nakkutilliisoqarfiup ilitersuutaaniittoq Kalaallit Nunaanni paasissutissanik nakkutilliinermi malittarisassani immikkoortumi 4-mi sukumiinerusumik atuarsinnaavarsi.

SULISUT ILISIMATISSIGIT ASSILISAT SOOQ ATORNERISI, SUMUT INGERLATEQQINNEQARNERSUT AAMMA QAQUGU PEERNEQASSANERSUT

Sulisut ilisimatissigit sooq assilisat atornerisi, sumut ingerlateqqinneqassanersut, aamma qaqugu peerneqassanersut. Sulisut oqaluttuussigit kikkunnut saaffiginissinnaanersut assilisanik atuneq iluarinnikkuniku. Paasissutissiinermut allakkiami allassimasoq tulluartuussaaq tunniutissallugu, ilissi imaluunniit kommunip siumut sulisunut inuk pillugu paasissutissanik suliaqarnerisi pillugu sulisunut tunniussarsi. Ilisimatitsinissamut pisussaaffik Paasissutissanik Nakkutilliisoqarfiup ilitersuutaaniittoq Kalaallit Nunaanni paasissutissanik nakkutilliinermi malittarisassani immikkoortumi 4-mi sukumiinerusumik atuarsinnaavarsi.

ASSILISAQ ARLAANNIT AKERLERINEQARPAT

Assimi inuup assilinqarsimasup (imaluunniit angajoqqaap) assimik ingerlatitseqqiineq akерlerippagu, ilissi assimi inuk pineqartoq pingikkussiuk imaluunniit ilisarnarunnaarsinnaavarsi imaluunniit asseq tamaat peerlugu.

ATUARTUT 15-INIK UKIOQARUNIK NAMMINNEQ AKUERSISINNAAPPUT

Meeqqat minnerit pineqarpata aamma ilissi aalajangersimagussiuk akuersisoqaaqqaassasoq, taava angajoqqaanit akuersissut pissarsiariniassavarsi. Nalinginnaasumik meeraq 15-inik ukiulik ima perorsimatigissaaq assilisanik imaluunniit videomik atuinissassinik nammineq akuersissuteqarsinnaassalluni.

